

## ԱՐՁԱՆԱԳՐՈՒԹՅՈՒՆ ԹԻՎ

Հայաստանի Հանրապետության Արագածոտնի մարզպետարանում 27.06.2013թ. տեղի ունեցած մարզխորհրդի նիստի

### Մասնակցում էին՝

- Ս.Սահակյան** ՀՀ Արագածոտնի մարզպետ  
**Ա.Արսենյան** ՀՀ Արագածոտնի մարզպետի տեղակալ  
**Հ.Գևորգյան** ՀՀ Արագածոտնի մարզպետարանի աշխատակազմի ղեկավար  
**Հ.Օհանյան** ՀՀ ՏԿՆ ներկայացուցիչ  
ՀՀ Արագածոտնի մարզպետարանի աշխատակազմի կառուցվածքային ստորաբաժանումների ղեկավարներ  
ՀՀ Արագածոտնի մարզի համայնքների ղեկավարներ

## ՕՐԱԿԱՐԳՈՒՄ

1. ՀՀ Արագածոտնի մարզի համայնքներում 2013 թվականի առաջին կիսամյակում սեփական եկամուտների հավաքագրման և նախորդ տարիներին գոյացած աշխատավարձերի և սոցվճարների պարտքերի մարման գործընթացի մասին/ զեկ. Մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն. ԳԱԼՍՏՅԱՆ /:
2. Մարզի համայնքներում իրականացված վարչական վերահսկողության արդյունքների և համայնքներում գնումների կազմակերպման գործընթացի մասին / զեկ. Մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն. ԳԱԼՍՏՅԱՆ /:
3. Առաջին վերարտադրության աշնանացան ցորենի գումարների հետ վերադարձման, համայնքներին հատկացված պարարտանյութի և դիզվատելիքի գումարների հավաքագրման ընթացքի մասին/զեկ. գյուղատնտեսության և բնապահպանության վարչության պետ Յու. ԱԶԱՏՅԱՆ /:
4. Համայնքների վարչական սահմաններում ընդգրկված պետական սեփականություն հանդիսացող հողատարածքների վարձակալության տրամադրման գործընթացի մասին / զեկ. հողաշինության և հողօգտագործման բաժնի պետ Գ. ՕՀԱՆՅԱՆ /:

5. Այլ հարցեր և հայտարարություններ:

6. Կից զեկուցողների զեկուցագրերը:

Արագածոտնի մարզխրհրդի հերթական նիստը կայացավ հունիսի 27-ին: Քննարկվեցին մարզի համայնքներում 2013 թվականի առաջին կիսամյակում սեփական եկամուտների հավաքագրման, նախորդ տարիներին գոյացած աշխատավարձերի և սոցվճարների պարտքերի մարման գործընթացի, վարչական վերահսկողության արդյունքների և գնումների կազմակերպման գործընթացի, առաջին վերարտադրության աշնանացան ցորենի գումարների հետ վերադարձման, համայնքներին հատկացված պարարտանյութի և դիզվառելիքի գումարների հավաքագրման ընթացքի, համայնքների վարչական սահմաններում ընդգրկված պետական սեփականություն հանդիսացող հողատարածքների վարձակալության տրամադրման գործընթացի մասին հարցերը:

Ֆինանսական և սոցիալ-տնտեսական զարգացման վարչության պետ Նորայր Գալստյանը տեղեկացրեց սեփական եկամուտների 2013 թվականի հավաքագրման գործընթացի վերաբերյալ և նախորդ տարիներին գոյացած աշխատավարձերի ու սոցվճարների պարտքերի մարման մասին, որի համար կազմված է ժամանակացույց:

Պարտքերի մարման մասին խոսեց նաեւ գյուղատնտեսության և բնապահպանության վարչության պետ Յուրա Ազատյանը: Նրա խոսքը, սակայն, վերաբերում էր առաջին վերարտադրության աշնանացան ցորենի գումարների հետ վերադարձմանը: Նշվեց, որ այն իրականացնելու հարցը համայնքապետերի կարևորագույն խնդիրներից մեկն է: Ուշադրության ենթակա է նաև ազոտական պարարտանյութի և դիզելային վառելիքի հատկացման գործընթացը:

Կարևորություն տալով այս հարցին, մարզպետ Սարգիս Սահակյանը համայնքապետերին հորդորեց, որպեսզի աշխատանքներն իրականացվեն ամենայն պատասխանատվությամբ և ժամանակին: Հատկապես խոստինձի այս ժամանակահատվածում հողագործների համար խիստ անհրաժեշտ է դիզվառելիքի ձեռքբերումը:

## **ՀԱՆՁՆԱՐԱՐՈՒԹՅՈՒՆՆԵՐ**

### **1. Մարզպետարանի աշխատակազմի գյուղատնտեսության և բնապահպանության վարչության պետ Յու. Ազարյանին**

--- Հավաքագրել մարզին տրամադրված աշնանացան ցորենի սերմացուի, ազոտական պարարտանյութի և դիզելային վառելիքի գումարները:

--- Համակարգել Բյուրական և Ավան թևերով սնուցվող համայնքներին ոռոգման ջրով ապահովելու գործընթացը և հետևել որպեսզի Ամբերդ ՀԷԿ-ի գործունեությունը չխոչնդոտի ազգաբնակչության ջրամատակարարումը:

### **2. Մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն. Գալստյանին**

--- Ապահովել հողի հարկի, հողի վարձավճարի և գույքահարկի հավաքագրումը:

### **3. Մարզպետարանի աշխատակազմի հողաշինության և հողօգտագործման բաժին-ՄՀՊՏ պետ Գ. Օհանյանին**

--- Ճշտել հողերի գոտիավորման կարգերը և արոտավայրերի վարձակալության իրական պատկերը ըստ համայնքների՝ գործընթացը վերցնելով մշտական հսկողության տակ:

--- Մեկ ամսվա ընթացքում համայնքներում ընդգրկված պետական սեփականության հողերի հաշվեկշռում և տեղեկատվական բազաններում կատարել փոփոխություններ:

### **4. Մարզպետարանի աշխատակազմի ֆինանսական և սոցիալ-տնտեսական զարգացման վարչության պետ Ն. Գալստյանին և զարգացման ծրագրերի և վերլուծության բաժնի պետ Պ. Նազարյանին**

--- Ներկայացնել մարզի համայնքների զարգացման ծրագրերը և դրանց համապատասխանելիությունը համայնքների բյուջեներին:


## ՀԱՅՏԱՐԱՐՈՒԹՅՈՒՆՆԵՐ

### 1. ՀՀ Արագածուրի մարզպետ Ս.Սահակյան

--- Անդրադառնալով բերքահավաքին և գյուղատնտեսական արտադրանքի իրացմանը, մարզպետը նշեց, որ իր կողմից պայմանավորվածություն է ձեռք բերվել, „Սպայկա,, ընկերության հետ՝ մարզում արտադրված ծիրանի մթերումը կազմակերպելու համար: Գյուղացիական տնտեսությունների կողմից աճեցրած միրգն ու բանջարեղենը մթերելու պատրաստակամություն են հայտնել նաև տեղի „Թամարա ֆրուտ,,-ը, և հարևան մարզերում գործող այլ ձեռնարկություններ:

### 2. Մարզպետարանի աշխատակազմի ՏԻ և ՀԳՄՀ վարչության պետ Ս.Հովսեփյան

--- Խստագույնս հետևել համայնքների ավագանիների որոշումների իրավական կողմի ապահովմանը:

 Ս.ՍԱՀԱԿՅԱՆ